

5.1.2. UMUTWE WA II : IKARITA

IRANGA IKINYABIZIGA

Ingingo ya 124:

1. *Iyandikwa ry'ibinyabiziga by'abantu bikorera ku giti cyabo cyangwa ibya za ambasade cyangwa iby'imiryango ifite ubusonerwe cyangwa abakozi b'izo ambasade n'iyi miryango rigaragazwa no guhabwa ikarita ikiranga "ikarita y'ibara ry'umuhondo" ikurikije urugero ruri kumugereka wa II w'iri teka.*
2. *Ikintu cyose cyatuma hahindurwa ibyanditswe bireba nyiri iyi karita cyangwa ibiranga ikinyabiziga kigomba kumenyeshwa mu minsi umunani ibiro by'imisoro. haba mu magambo cyangwa ibaruwa ishinganye; iyo karita igomba hakurikijwe uko ibintu bimeze, gushyikirizwa ibiro by'imisoro, itangishijwe intoki cyangwa yometse ku ibaruwa ishinganye kugirango bayihindure.*
3. *Mu gihe ikinyabiziga gitanzwe ikarita ikiranga yatanze mbere yandikwa ku izina ry'ugihawe hamaze gutangwa amahoro agenwa n'iteka rya Minisitiri ushinze imari. Utwara ikinyabiziga agomba kwerekana ako kanya ikarita iranga ikinyabiziga igihe cyose umukozi ubigenewe ayimwatse.*

5.1.3. UMUTWE WA III: INOMERO IRANGA IKIBITANDUKANYA, IBIMENYETSO NDANGA

Ingingo ya 125:

- a) Ibinyabiziga by'abikorera ku giti cyabo, ibya za ambasade imiryango ifite ubusonerwe, iby'abakozi b'izo za ambasade cyangwa b'iyi miryango:
 - ✓ 1. *Buri kinyabiziga na buri romoruki bihabwa numero ibiranga ishyirwa ku cyapa cy'inyuma gifite ibikiranga, biteganyijwe mu ngingo ya 126. Ku byerekeye ibinyabiziga bigendeshwa na moteri, iyo numero itangwa hakoreshejwe ibyapa bibiri.*
 2. *Ikinyabiziga cyemererwa kugenda gusa mu nzira nyabagendwa iyo cyambaye numero iranga cyahawe.*

Iyo ikinyabiziga kidakora, cyangwa cyoherejwe mu mahanga burundu, ibyapa ndanga bigomba mu gihe cy'amezi abiri gukurwaho bikoherezwa mubiro by'imisoro, biherekejwe n'ikarita ndanga n'inyandiko isobanura impamvu byoherejwe. Iyo mu gihe kimaze kuvugwa, nyir'inimero ndanga aronse ikindi kinyabiziga cye gishyashya ibyapa yari asanganwe; iryo saba riherezwa n'ikarita ndanga kugira ngo ivugururwe.

b) Ibinyabiziga bya Leta, iby'ingabo z'igihugu n'ibya porisi y'Igihugu.

- ✓ 1. *Nimero ziranga ibyo binyabiziga zishyirwa ku byapa by'inyuma bikorwa hakurikijwe amabwiriza y'ubutegetsi bugenga ibyo binyabiziga. Ihinduka ryose rikozwe ku cyapa kiranga kimwe n'ihagarika burundu y'imikorere y'ikinyabiziga bigomba kumenyeshwa ibiro byatanze icyo cyapa.*

Ingingo ya 126:

I. Ibyapa by'ibigenzwa mu muhanda

Ibyapa by'ibigenzwa mu muhanda bikozwe mu ibati kandi birangwa n'ibimenyetso bikurikira:

1. Ibinyabiziga bya Leta, iby'ibigo bigengwa na Leta, n'iby'imishinga.

❖ Imodoka

A.1 Ibya Leta n'ibigo bigengwa na Leta

➤ Imbere